

UPUTSTVO
ZA UPOTREBUprovidne
ortodonske
folije**Poštovani doktore,**

Upravo ste dobili paket FullAlign folija za ispravljanje zuba Vašeg pacijenta. Unutar pakovanja ćete pronaći:

- Pojedinačno upakovane i numerisane folije;
- Modeli različitih koraka obrade sa brojevima;
- Kutija za folije;
- Uputstva za upotrebu za Vašeg pacijenta;

Vaš pacijent biće srećan kada vidi ovaj komplet dizajniran posebno za njega! Prije početka, trebali biste provjeriti da li postoje određeni modeli sa oznakom T1 ili T2 kao i da li je potrebno stripovanje i priprema zuba za foliju. Temeljna sesija higijene je neophodna i odmah nakon toga, možete staviti prvu foliju svom pacijentu pod rednim brojem "1". Ako se predmet odnosi na jednu vilicu, u paketu će biti samo jedna folija, a ukoliko se radi o dvije vilice u paketu će stajati dvije folije pod rednim brojem "1", gornja i donja. Ne preporučuje se davati pacijentu veći broj folija, jer u nekim slučajevima se pokazalo da je pacijent samoinicijativno želio skratiti vrijeme trajanja terapije tako što je preskakao određen broj folija ili ih nosio kraće nego što je dogovoreno sa stomatologom i tako ugrozio tok liječenja. Objasnite pacijentu način na koji se koristi folija. Zbog svog estetskog izgleda folija mora biti tanka i elastična, ali to je privilegija koja ide na štetu otpora. Dakle, folije zahtijevaju pažljivo rukovanje.

Stripovanje zuba je potpuno bezbolno (nije potrebna upotreba anestezika), ne ugrožava integritet zuba, niti povećavaju sklonost za pojavu karijesa i drugih oboljenja. Gleđ zuba se uklanja upotrebom **abrazivnih traka**.

Postupak traje svega nekoliko minuta i može se obaviti u jednoj ili više seansi. Ponekad je moguće da pacijent tokom postupka osjeti pritisak, a moguće je i veće nakupljanje plaka na zubima ukoliko površina zuba nije dobro ispolirana. Poslije stripovanja moguće je izvršiti fluorizaciju zuba.

Umetanje folije je lagano. Umetnite zube unutar folije i nježno sa palčevima gurnete foliju prema desni. Pacijent će doživjeti početni pritisak koji će nestati tokom nekoliko desetaka minuta. Uklanjanje je malo teže i to je faza gdje može doći do pucanja folije. Preporučuje se da kažete pacijentu da koristi oba kažiprsta za skidanje folije, krećući bilo od desne ili lijeve strane, od palatinalnog ili vestibularnog dijela, za početak laganim pritiskom noktiju na rubove folije.

Kada se folija otkači sa jedne strane, neophodno je ponoviti isto na drugoj strani. Uklanjanjem dva stražnja kraja, možete preći na prednju regiju koristeći istu tehniku. Pacijent mora nositi foliju 24 sata dnevno, osim vremena predviđenog za obroke, ali u svakom slučaju ne manje od 20 sati. Svaka folija se nosi dvije sedmice ili po Vašoj preporuci u zavisnosti od individualnog

slučaja i dužine trajanja tretmana. Nakon predviđenog vremena, pacijent ide na kontrolu, a doktor provjerava da li su folije nošene po dogovoru i tokom određenog vremena. Provjeru je moguće uraditi na dva načina: prvi način je vizuelan i oslanja se na trošenje, habanje folije. Budući da je vrlo tanka, korištena tokom dvije sedmice, folija ima tendenciju da malo promijeni boju, a površine koje su izložene žvakanju imaju običaj da se malo pohabaju (istroše). Drugi način se odnosi na produkt proizveden od strane Erkodent-a koji omogućava da se na foliju primijeni određeni preparat koji doktoru promjenom tona boje pokazuje da li se folija nosila određen broj sati u dogovorenom periodu. Ukoliko je sve u redu, možete preći na stavljanje slijedeće folije. Isti način se ponavlja do kraja terapije. Ako su označene zone gdje je potrebno uraditi stripovanje zuba, bitno je da se to uradi tokom promjene niza folija, veoma malo i sasvim dovoljno da se oslobodi određeni zub.

Iskustvo je pokazalo da je dovoljno interdentalnim koncem proći da bi se utvrdila veća tjeskoba. Poslije se na mjestima povećane stješnjenosti prolazi sa trakicama do 0,15 mm. Ako postoji potreba da se postave atečmeni, u tehnici je već predviđeno da se unutar kutije postavi jedna folija sa udubljenjima na određenim zubima. Folija za atečmene je pasivna i treba da se koristi samo za pravljenje ovih atečmena od kompozita, ima oznaku T1. Sam postupak podrazumijeva čišćenje onih zuba koji su preporučeni (indikovani) za postavljanje atečmena, nagrizanje površine zuba i postavljanje prajmera, poslije čega je potrebno ispuniti udubljenja na foliji tečnim kompozitom kako bi se formirali atačmeni, folija se zatim postavi u usta na pripremljene zube i pomoću lampe za fotopolimerizaciju se pričvrste atečmeni za zube.

Nakon fotopolimerizacije, pomoću freze se uklanjaju eventualni viškovi, vrši se poliranje i nastavlja se sa radom, kako je gore objašnjeno, do predaje prve folije. Zubotehnički laboratorij „Full Dent“, u svakom slučaju, Vam stoji na raspolaganju za eventualne nedoumice vezane za proces izrade folija ili da riješi bilo kakve probleme vezane za sistem.

Srećan rad!



Full Dent d.o.o.
Knjaza Miloša 15
78000 Banja Luka

+387 51 304 707

info@fulldent.ba
www.fulldent.ba